

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 19 (1924)

Rubrik: Rapports dellas academias romontschas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 18.02.2025

ETH-Bibliothek Zürich, E-Periodica, <https://www.e-periodica.ch>



Rapports dellas academias romontschas.

L' academia romontscha a Sviz.

L' annada 1923 sin 24 ei vargada. Ils students romontschs a Maria Hilf han uonn puspei luvrau pruamein per il lungatg de lur mumma. Igl actuar ha protocollau las sequentas lavurs en secret: Sur avat Schlegel e Nicolaus Rusca; Nadal ussa ne inagada; Nadal-notg (s-chizza); Enzatgei sul trafic e transit ella Surselva grischiuna; Nossadunna della glisch; Sur l' uiara dils Grischuns encounter ils Franzos 1799; G. Modest Nay e siu eminent plaz ella literatura romontscha.

Dasperas han canzuns e declamaziuns en prosa e poesia vivificau ed embelliu considerablamein la radunonza presapauc meinsila. Ins vesa, la nobla enfiarla digl ischi grischun leuora al pei dil maiestus Mythen crescha e prosperescha vinavon.

Dus evenements meretan aunc ina speciala menziun: la celebraziun dil giubileum dil protectur en in' atgna academia festiva e la gronda participaziun dils commembers vid la grondiusa fiasta centenara della Ligia grischa ils 22 e 23 de zercladur a Trun sper igl Ischi.

Ed ussa, vus valents students romontschs de Sviz, emblidei buca las bialas uras romontschas leuora ella bufatga sala dell' academia! Dei da temps en temps puspei in' egliada ora ella stiva romontscha, nua che vus veis, penetrai da sentiments de libertad e da carezia enviers vossa nobla viarva, tschentau si solemnamein il boccal ed il cudisch

festiv della fiasta centenara! Luvrei conform als principis plantai en a vus arisguard la defensiun e cultivaziun dil lungatg romontsch! Plidei, scrivi romontsch e suondei, aschi lunsch sco pusseivel, las reglas e normas della grammatica nova, per saver contonscher ton pli gleiti era en vies idiom la schiditg desiderada, necessaria unitad ortografica!

Vossa parola seigi e resti:

Bandiera romontscha sgolatscha
En victorius combat!
Al nausch inimitg che smanatscha,
Resista mo ferm' unitad.

Curaglia, igl 1 d' uost 1924.

Il protectur: Aug. Giger, prof.

L' academia romontscha „il curtin” en la claustra a Mustér.

Quater onns ein vargai dapi ch' il vent permavaun ha raffau naven ina frastga dagl ischi e plantau quella en il fretgeivel terren claustral. Mirein nus anavos sin ils treis onns vargai de noss' academia (ils rapports sesanflan els Ischis precedents), sche astgein nus dir: «Ils fecls romontschs el sanctuari de Mustér han luvrau cun tutta energia e cubrascha per il lungatg matern e la mumma romontscha astga esser cuntenza cun els.»

Gest aschi legreivels sco ils onns vargai ei il resultat digl onn 1923/24. Quindisch students ein separticipai stediamein dellas radunonzas, regularmein duas gadas el meins. En mintga sessiun pudavan ins leger giud las fatschas legria e carezia

per la mumma retoromontscha e per la patria grischuna. La survigilonza havein nus surdau a:

Flurin Berther, stud. VI. lat., president

Giachen Berther, stud. IV. lat., vicepresident

Stiafen Caduff e Peter Goldmann, protocolists.

Duront las bialas uras legravon ils commembars in l' auter cun lavurs historicas, raquintaziuns e biografias. Aschia ha ina survista della situaziun politica menau anavos nus el temps della Ligia grischa. Umens cun ver spért e gnarva grischuna sco p. ex. in avat Pieder de Pultengia han mussau a nus de viver per Diu e per la patria. In auter commember ha saviu resdar sur dils «artechels de Glion». Treis auters han plidau sur P. Theodosi Florentini, rev. prof. Dr. Gius. Huonder de Disla e prof. Placi Condrau. A nies hospitant Al. Paly de Caprau admettein nus nies cordial engraziament per sias bialas lavurs e nus havein speronza d' aunc ver el pli en nies miez.

Uss aunc in cordial «Dieus paghi» al premurau hortulan dil «curtin», a P. Maurus. Plinavon seigi era engraziau a sgr. red. Dr. Gius. Condrau perquei ch' el lai vegnir tier a nus la Gasetta Rom. gratis. In cordial «Dieus paghi» auda era als benefacturs dil «curtin» per ils biars bienmauns ed era a P. Baseli Berther per il diever che nus havein fatg de sia biala biblioteca romontscha. En num dell' academia engraziein nus aunc a tuts quels che han luvrau el «curtin» e nus havein la ferma perschuasiun che quels vegnien era dacheu naven a luvrar per il lungatg mumma.

Aschia astgein nus mirar cun buna conscienza anavos sin igl onn vargau e dir: «Nus havein luvrau secund nies saver e puder e sch' il «curtin»

flurescha vinavon sco entochen dacheu vegn el a
purtar buns fretgs.»

Quei vegli Dieus!

Per l' academia rom. il «curtin»:

Benedetg Giger, stud.

Radunanza populara della Romania a Rueun, ils 26 d'uost 1923.

Sin in sulom de veglia ed originala cultura retica, en quei vitg sursilvan de vaglia cun siu pievel de vaglia, co dueva la fiasta buca reussir, ina fiasta dedicada specialmein al «*Moviment romontsch*» (referat de *Dr. R. Vieli*)! La «Gas. Rom.» ha purtau in extendiu rapport sur della radunanza ed igl entir stupent referat. *Prof. Dr. Tuor*, nunstunclenteivel defensur e promotur de quei moviment, ha en favur de quei impurtont moviment patriotic mussau, ch' ils *subsidis cantonals e federales* deian buca vegnir reduci, na, manteni sco in act buca de grazia, mobein de giustia e de sentiment patriotic. Plaids serius e historicis de giuvens e vegls, cant e musica han dau in agen ornament alla radunanza, la quala ei stada in mussament, ch' il pievel vesi sia «Romania» pli bugen ual amiez il pievel sez che mo en ina stiva academica! Suentter il *solemn Requiem* dil gliendisdis ha rev. *prof. Aug. Giger* sin senteri renovau l' engrazieivla regurdientscha dils morts ch' ein passai ord la Romania tier l' armada celestiala. Als morts il ruaus, als vivs ils quitaus!

Tier las *tractandas* ha la «Romania» concludiu ina contribuziun per il liug commemorativ sper igl